

## 14. gr.

Fiskiskip skulu hlíta öllum þeim ákvörðunum sem lúta að verndun fiskistofnanna, þar með töldum lokunum veiðisvæða. Hafrannsóknastofnunin mun tilkynna fiskiskipum sem eru að veiðum í efnahagslögsögu Íslands fyrirfram um lokanir veiðisvæða.

Lágmarksmöskvastærð í vörpu skal vera 135 mm. Um mælingar á möskvum, klæðningar á vörpu og styrktarnet gilda sömu reglur og gilda fyrir íslensk skip.

Í afladagbók sem skal vera innbundin með númeruðum síðum og í tvíriti skal skipstjóri skrá eftirfarandi upplýsingar: Afl skips, skráningarnúmer og kallmerki. Fyrir hvert kast skal skrá staðsetningu, dagsetningu og tíma þegar vörpunni er kastað og afla í hverju kasti í lestum. Einnig skal skrá heildarafla á sólarhring í efnahagslögsögu, stærð vörpu og möskvastærð. Skipstjóri skal undirrita hverja síðu afladagbókarinnar. Starfsmönnum Landhelgisgæslunnar og veiðieftirlitsmönnum Fiskistofu skal sýnd afladagbók, sé þess óskað.

## 15. gr.

Brot á reglugerð þessari varða viðurlögum skv. ákvæðum laga nr. 22, 8. apríl 1998, um veiðar og vinnslu erlendra skipa í fiskveiðilandhelgi Íslands. Með mál út af brotum skal farið að hætti opinberra mála. Jafnframt getur Fiskistofa svipt skip leyfum til veiða innan efnahagslögsögunnar brjóti útgerð skips, áhöfn eða aðrir sem í þágu útgerðar starfa gegn reglugerð þessari.

## 16. gr.

Reglugerð þessi er sett samkvæmt ákvæðum laga nr. 22, 8. apríl 1998, um veiðar og vinnslu erlendra skipa í fiskveiðilandhelgi Íslands til þess að öðlast þegar gildi og birtist til eftirbreytni öllum þeim sem hlut eiga að máli

*Sjávarútvegsráðuneytinu, 28. apríl 2004.*

F. h. r.

**Jón B. Jónasson.**

*Þórður Eyþórsson.*

## REGLUR

### um takmörkun á fjölda nemenda við innritun í Háskólann á Akureyri.

## 1. gr.

*Auðlindadeild.*

Almennt inntökuskilyrði er stúdentspróf eða sambærileg menntun.

Umsækjendur með starfsreynslu og aðra menntun en stúdentspróf eiga kost á inngöngu og eru slíkar umsóknir metnar sérstaklega samkvæmt reglum deildar.

Fjöldi nýrra nemenda í auðlindadeild á 1. námsári takmarkast við töluna 75.

Ef þeir sem sækja um að hefja námið, og uppfylla inntökuskilyrði, eru fleiri en unnt er að taka inn mun val nemenda byggjast á eftirtöldum sjónarmiðum:

- Undirbúningi í stærðfræði og raungreinum.
- Meðaleinkunn á stúdentsprófi.
- Viðtölum ef þurfa þykir.

## 2. gr.

*Félagsvísinda- og lagadeild.*

Almennt inntökuskilyrði er stúdentspróf eða sambærileg menntun.

Umsækjendur með starfsreynslu og aðra menntun en stúdentspróf eiga kost á inngöngu og eru slíkar umsóknir metnar sérstaklega samkvæmt reglum deildar.

Fjöldi nýrra nemenda í félagsvísinda- og lagadeild á 1. námsári takmarkast við töluna 120. Ef þeir sem sækja um að hefja námið, og uppfylla inntökuskilyrði, eru fleiri en unnt er að taka inn mun val nemenda byggjast á eftirtöldum sjónarmiðum:

- a) Undirbúningi í íslensku, ensku, greinandi hugsun og í félagsvísindaskor stærðfræði.
- b) Viðtölum ef þurfa þykir.

## 3. gr.

*Fjöldatakmörkun í heilbrigðisdeild.*

Fjöldi nemenda í hjúkrunarfræði á 1. námsári sem hefja nám á vormisseri 2005 takmarkast við töluna 36.

Fjöldi nemenda í iðjuþjálfun á 1. námsári sem hefja nám á vormisseri 2005 takmarkast við töluna 18.

Reglur um val á nemendum til náms í hjúkrunarfræði og iðjuþjálfun við heilbrigðisdeild Háskólans á Akureyri verða auglýstar sérstaklega í Stjórnartíðindum.

Almennt inntökuskilyrði er stúdentspróf eða sambærileg menntun.

Umsækjendur með starfsreynslu og aðra menntun en stúdentspróf eiga kost á inngöngu og eru slíkar umsóknir metnar sérstaklega samkvæmt reglum deildar.

## 4. gr.

*Kennaradeild.*

Almennt inntökuskilyrði er stúdentspróf eða sambærileg menntun.

Umsækjendur með starfsreynslu og aðra menntun en stúdentspróf eiga kost á inngöngu og eru slíkar umsóknir metnar sérstaklega samkvæmt reglum deildar.

Fjöldi nýrra nemenda í kennaradeild á 1. námsári takmarkast við töluna 140.

Ef þeir sem sækja um að hefja námið, og uppfylla inntökuskilyrði, eru fleiri en unnt er að taka inn, mun val nemenda byggjast á eftirtöldum sjónarmiðum:

- a) Undirbúningi í íslensku, ensku og stærðfræði.
- b) Viðtölum ef þurfa þykir.

## 5. gr.

*Rekstrar- og viðskiptafræðideild.*

Almennt inntökuskilyrði er stúdentspróf eða sambærileg menntun.

Fjöldi nýrra nemenda í rekstrar- og viðskiptadeild á 1. námsári takmarkast við töluna 70.

Ef þeir sem sækja um að hefja námið, og uppfylla inntökuskilyrði, eru fleiri en unnt er að taka inn, mun val nemenda byggjast á eftirtöldum sjónarmiðum:

- a) Undirbúningi nemenda í stærðfræði og hagfræðigreinum.
- b) Meðaleinkunn á stúdentsprófi.
- c) Viðtölum ef þurfa þykir.

## 6. gr.

*Upplýsingatæknideild.*

Almennt inntökuskilyrði er stúdentspróf eða sambærileg menntun.

Umsækjendur með starfsreynslu og aðra menntun en stúdentspróf eiga kost á inngöngu og eru slíkar umsóknir metnar sérstaklega samkvæmt reglum deildar.

Fjöldi nýrra nemenda í upplýsingatæknideild á 1. námsári takmarkast við töluna 35.

Ef þeir sem sækja um að hefja námið, og uppfylla inntökuskilyrði, eru fleiri en unnt er að taka inn, mun val nemenda byggjast á eftirtöldum sjónarmiðum:

- a) Undirbúningi í stærðfræði, greinandi hugsun og ensku.
- b) Viðtölum ef þurfa þykir.

7. gr.

*Gildistaka.*

Reglur þessar sem háskólaráð hefur sett á grundvelli heimildar í 4. gr. laga um Háskólann á Akureyri nr. 40/1999 gilda fyrir háskólaárið 2004-2005.

*Háskólanum á Akureyri, 20. apríl 2004.*

**Þorsteinn Gunnarsson** rektor.

---

*Sigrún Sveinbjörnsdóttir,  
varaforseti háskólaráðs.*

## REGLUR

### um bann við netaveiði göngusilungs við Faxaflóa, Skjálfanda og Þistilfjörð.

1. gr.

Bönnuð er netaveiði göngusilungs í sjó á ári hverju frá og með 10. júní til og með 10. ágúst á eftirtöldum stöðum:

- a) Með strandlengju í Mýra- og Borgarfjarðarsýslu frá friðunarsvæði Hítarár í norðri að Suðurflös á Akranesi í suðri.
- b) Með strandlengju Skjálfandaflóa frá friðunarsvæði Laxár í Þingeyjarsýslu í suðri að Tjörnestá í norðri.
- c) Með strandlengju Þistilfjarðar frá Hraunhafnartanga í vestri að Fonti á Langanesi í austri.

2. gr.

Brot á ákvæðum þessara reglna varðar sektum samkvæmt lögum nr. 76/1970 um lax- og silungsveiði með síðari breytingum. Með mál út af brotum skal fara að hætti opinberra mála.

3. gr.

Reglur þessar eru settar samkvæmt heimild í 7. mgr. 14. greinar laga nr. 76/1970 um lax- og silungsveiði með síðari breytingum og öðlast þegar gildi. Koma þær í stað reglna nr. 418/2003 um sama efni.

*Reykjavík, 29. apríl 2004.*

**Árni Ísaksson** veiðimálastjóri.